

Saksprotokoll i fylkestinget - 14.12.2016

Nils T. Bjørke (Sp) sette fram slikt forslag:

«Alternativt forslag:

1. Fylkestinget viser til inngått intensjonsavtale for etablering av Vestlandsregionen og går inn for at Hordaland fylkeskommune, Rogaland fylkeskommune og Sogn og Fjordane fylkeskommune går saman i ein ny folkevald region på Vestlandet.

Hordaland fylkeskommune meiner regionreforma har starta i feil ende. Det er særst vanskeleg å ta stilling til endra geografisk inndeling, før ein veit kva oppgåver dei nye regionane skal løysa.

Hordaland fylkeskommune meiner at før ein tar stilling til endringar i fylkesstrukturen må det vera klarlagt kva oppgåver dei nye regionane skal ha.

Fylkestinget i Hordaland føreset at Vestlandsregionen skal ha nynorsk som administrasjonsspråk. Fylkestinget i Hordaland føreset at Vestlandsregionen gjer vedtak om at staten bruker nynorsk til regionen.

2. Fylkestinget vil understreke at folketal og geografisk utstrekning ikkje må vere til hinder for etablering av Vestlandsregionen i ein ny regionstruktur, og at generalistprinsippet for oppgåvedeling mellom statlege og regionale ansvarsområder må kunne fråvikast i ein regionstruktur med svært ulikt innbyggjartal i dei nye regionane. Fylkestinget ber om at oppgåvedifferensiering vert lagt inn i mandatet til ekspertutvalet som skal vurdere overføring av nye statlege oppgåver til regionalt folkevald nivå.
3. Hordaland skal halda fram som eige valdistrikt, slik at ein sikrar at distrikta vert representert i regionleiing og på Stortinget.
4. Dersom alle tre fylkestinga gjer vedtak om samanslåing, vert fylkesrådmennene, i samråd med Kommunal- og moderniseringsdepartementet, bedt om å legge fram sak snarast mogleg med opplegg for det vidare førebuingarbeidet for samanslåing, med m.a. oppnemning av representantar til fellesnemnda, samt kva mandat og avgjerdsmynde fellesnemnda skal ha.
5. Dersom dei andre fylkeskommunane gjennom vedtak på fylkestinga i desember 2016, ikkje går inn for etablering av ein Vestlandsregion, får den oppnemnde styringsgruppa for regionreforma fullmakt til å starte og gjennomføre ny dialog og forhandlingar om intensjonsavtale innanfor to alternative nye regionløyisingar:
 - a) Samanslåing av fylkeskommunane Sogn og Fjordane og Hordaland, der det også vert opna opp for å invitere Møre og Romsdal inn i forhandlingar om ei slik løyising.
 - b) Samanslåing av fylkeskommunane Hordaland og Rogaland
6. Fylkestinget vil sterkt understreke Hordaland fylke som udeleleg i den nye regionstrukturen, anten fylket vert vidareført som i dag eller i ei løyising saman med andre fylker.»

Einar Horvei (SV) sette fram slikt forslag (a):

«Alternativt forslag:

1. Fylkestinget vedtek å seia nei til ein ny Vestlandsregion så lenge ein ikkje veit kva oppgåver som vert overført frå staten til regionnivået og kva oppgåver ein får behalda. Når oppgåvene er klare kan ein ta saka opp til ny vurdering. Oppgåver som bør over på eit regionalt nivå er t.d. sjukehusa og høgskular.
2. Fylkestinget ber om at det vert folkerøysting om ein ny Vestlandsregion når ein veit kva saker ein skal forvalte.
3. Administrasjonsspråket i ein eventuell ny Vestlandsregion skal vera nynorsk.»

Terje Kolbotn (R) sette fram slikt forslag:

1. «Hordaland fylkesting tar ikkje stilling til etablering av ein ny Vestlandsregion før regjeringa og stortinget har avklara nærare innhald og meiroppgåver våren 2017.
2. Hordaland fylkesting går inn for at det blir gjennomført ei rådgjevande folkerøysting i vestlandsfylka i samband med stortingsvalet 2017 før slutthandsaming i fylkestinga.»

Roald Kvamme (A) sette fram slikt forslag:

1. «Fylkestinget viser til inngått intensjonsavtale for etablering av Vestlandsregionen og går inn for at Hordaland fylkeskommune, Rogaland fylkeskommune og Sogn og Fjordane fylkeskommune går saman i ein ny folkevald region på Vestlandet. Det er ein viktig føresetnad at krava om oppgåver som er fremja i kapittel 10 i Intensjonsplanen vert følgt opp frå sentrale styresmakter både når det gjeld eksisterande og nye oppgåver.

Fylkestinget søker med grunnlag i inndelingslova om slik samanslåing, under føresetnad at fylkestinga i Rogaland og Sogn og Fjordane går inn for tilsvarende samanslåing med grunnlag i intensjonsplanen for etablering av Vestlandsregionen.
2. Fylkestinget vil understreke at folketal og geografisk utstrekning ikkje må vere til hinder for etablering av Vestlandsregionen i ein ny regionstruktur, og at generalistprinsippet for oppgåvedeling mellom statlege og regionale ansvarsområder må kunne fråvikast i ein regionstruktur med svært ulikt innbyggjartal i dei nye regionane. Fylkestinget ber om at oppgåvedifferensiering vert lagt inn i mandatet til ekspertutvalet som skal vurdere overføring av nye statlege oppgåver til regionalt folkevald nivå.
3. Fylkestinget går inn for at nynorsk vert administrasjonsspråket i den nye Vestlandsregionen.
4. Fylkestinget i Hordaland ønskjer primært ein Vestlandsregion som består av Hordaland, Rogaland og Sogn og Fjordane. Fylkestinget i Rogaland har sagt nei til ei slik løysing. På denne bakgrunn gjev fylkestinget i Hordaland det oppnemnde forhandlingsutvalet for regionreforma fullmakt til å starta opp ny dialog og gjennomføra nye forhandlingar om ein intensjonsavtale for samanslåing av fylkeskommunane Sogn og Fjordane og Hordaland, der det også vert opna for å invitera Haugalandet og Møre og Romsdal inn i forhandlingane.
5. Dersom fylkestinga gjer vedtak om samanslåing, vert fylkesrådmennene, i samråd med

Kommunal- og moderniseringsdepartementet, bedne om å leggje fram sak snarast mogleg med opplegg for det vidare førebuingsarbeidet for samanslåing, med m.a. oppnemning av representantar til fellesnemnda, samt kva mandat og avgjerdsmynde fellesnemnda skal ha.»

Det var gruppeleiar møte og møte i partigruppene.

Roald Kvamme og Nils T. Bjørke trekte forslaga sine.

Pål Kårbø (KrF) la på vegner av KrF, A, SP, V, MDG og Frp fram slikt justert forslag:

1. «Fylkestinget viser til inngått intensjonsavtale for etablering av Vestlandsregionen og går inn for at Hordaland fylkeskommune, Rogaland fylkeskommune og Sogn og Fjordane fylkeskommune går saman i ein ny folkevald region på Vestlandet. Det er ein viktig føresetnad at krava om oppgåver som er fremja i kapittel 10 i Intensjonsplanen vert følgt opp frå sentrale styresmakter både når det gjeld eksisterande og nye oppgåver. Fylkestinget søkjer med grunnlag i inndelingslova om slik samanslåing.
2. Fylkestinget vil understreke at folketal og geografisk utstrekning ikkje må vere til hinder for etablering av Vestlandsregionen i ein ny regionstruktur, og at generalistprinsippet for oppgåvedeling mellom statlege og regionale ansvarsområder må kunne fråvikast i ein regionstruktur med svært ulikt innbyggjartal i dei nye regionane. Fylkestinget ber om at oppgåvedifferensiering vert lagt inn i mandatet til ekspertutvalet som skal vurdere overføring av nye statlege oppgåver til regionalt folkevald nivå.
3. Fylkestinget går inn for at nynorsk vert administrasjonsspråket i den nye Vestlandsregionen.
4. Fylkestinget i Hordaland ønskjer primært ein Vestlandsregion som består av Hordaland, Rogaland og Sogn og Fjordane. Fylkestinget i Rogaland har sagt nei til ei slik løysing. På denne bakgrunn gjev fylkestinget i Hordaland det oppnemnde forhandlingsutvalet for regionreforma fullmakt til å starta opp ny dialog og gjennomføra nye forhandlingar om ein intensjonsavtale for samanslåing av fylkeskommunane Sogn og Fjordane og Hordaland. Fylkestinget i Hordaland er positiv til at einskilde kommunar i Nord- Rogaland som ønskjer å bli ein del av den nye Vestlandsregionen søkjer om det.»

Terje Kolbotn trekte sitt forslag punkt 2.

Einar Horvei (SV) trekte sitt forslag (a), og la på vegner av SV og R fram justert forslag (b):

«Alternativ til heile innstillinga:

1. Fylkestinget vedtek å seia nei til ein ny Vestlandsregion så lenge ein ikkje veit kva oppgåver som vert overført frå staten til regionnivået og kva oppgåver ein får behalda. Når oppgåvene er klare kan ein ta saka opp til ny vurdering. Oppgåver som bør over på eit regionalt nivå er t.d. sjukehusa og høgskular.
2. Hordaland fylkesting går inn for at det blir gjennomført ei rådgjevande folkerøysting i vestlandsfylka i samband med stortingsvalet 2017 før slutthandsaming i fylkestinga.
3. Administrasjonsspråket i ein eventuell ny Vestlandsregion skal vera nynorsk.»

Røysting (Kollbotn sitt forslag punkt 1 om utsetjing)

Forslaget fekk 1 røyst (R) og fall.

Røysting (saka)

Horvei sitt forslag fekk 4 røyster (SV, R) og fall.

Innstillinga punkt 5 a) fekk ingen røyster og fall.

Innstillinga punkt 1-4, 5 b) og 6 fekk 12 røyster (H) og fall.

Kårbø sitt forslag fekk 41 røyster (KrF, A, Sp, KrF, MDG, V, Frp) og vart vedteke.

Vedtak

1. Fylkestinget viser til inngått intensjonsavtale for etablering av Vestlandsregionen og går inn for at Hordaland fylkeskommune, Rogaland fylkeskommune og Sogn og Fjordane fylkeskommune går saman i ein ny folkevald region på Vestlandet. Det er ein viktig føresetnad at krava om oppgåver som er fremja i kapittel 10 i Intensjonsplanen vert følgt opp frå sentrale styresmakter både når det gjeld eksisterande og nye oppgåver. Fylkestinget søker med grunnlag i inndelingslova om slik samanslåing.
2. Fylkestinget vil understreke at folketal og geografisk utstrekning ikkje må vere til hinder for etablering av Vestlandsregionen i ein ny regionstruktur, og at generalistprinsippet for oppgåvedeling mellom statlege og regionale ansvarsområder må kunne fråvikast i ein regionstruktur med svært ulikt innbyggjartal i dei nye regionane. Fylkestinget ber om at oppgåvedifferensiering vert lagt inn i mandatet til ekspertutvalet som skal vurdere overføring av nye statlege oppgåver til regionalt folkevald nivå.
3. Fylkestinget går inn for at nynorsk vert administrasjonsspråket i den nye Vestlandsregionen.
4. Fylkestinget i Hordaland ønskjer primært ein Vestlandsregion som består av Hordaland, Rogaland og Sogn og Fjordane. Fylkestinget i Rogaland har sagt nei til ei slik løysing. På denne bakgrunn gjev fylkestinget i Hordaland det oppnemnde forhandlingsutvalet for regionreforma fullmakt til å starta opp ny dialog og gjennomføra nye forhandlingar om ein intensjonsavtale for samanslåing av fylkeskommunane Sogn og Fjordane og Hordaland. Fylkestinget i Hordaland er positiv til at einskilde kommunar i Nord- Rogaland som ønskjer å bli ein del av den nye Vestlandsregionen søker om det.